

**Dissertatio inauguralis medica de genuinis opii effectibus in corpore humano ... / [Christian Wilhelm Schwartz].**

**Contributors**

Schwartz, Christian Wilhelm.  
Büchner, Andreas Elias, 1701-1769.  
Universität Halle-Wittenberg.

**Publication/Creation**

Halae Magdeburgicae : Typis Joannis Christiani Hilligeri, [1748]

**Persistent URL**

<https://wellcomecollection.org/works/t4dpb6qn>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



2  
DISSERTATIO INAUGVRALIS MEDICA  
DE  
GENVINIS  
OPII EFFECTIBVS  
IN  
CORPORE HVMANO

---

QVAM  
EX CONSENSV GRATIOSAE FACVLTATIS MEDICAE  
IN REGIA FRIDERICIANA,  
PRAESIDE  
VIRO ILLVSTRI ATQVE EXCELLENTISSIMO  
DOMINO

D. ANDREA ELIA BÜCHNERO  
SACRI ROMANI IMPERII NOBILI  
POTENTISSIMO REGI PRVSSOR. A CONSILIIS SANCTIORIBVS,  
MEDICINAE ET PHILOSOPH. NATVRAL. PROFESS. PVBL. ORDIN.  
FACVLTAT. PHILOSOPH. H. T. DECANO, IMPER. ACADEM.  
NATVR. CVRIOSOR. PRAESIDE ET COMITE  
PALATINO CAESAREO,

PRO GRADV DOCTORIS  
SVMMISQVE IN MEDICINA HONORIBVS ET PRIVILEGIIS  
DOCTORALIBVS SOLENNITER CAPESSENDIS

AD D. XI. MART. A. O. R. MDCCXLVIII.

PVBICO ERVDITORVM EXAMINI SVBMITTET

AVCTOR  
CHRISTISTIANVS GVILIELMVS SCHWARTZ  
HASSO - FISCHBACENSIS.

---

HALAE MAGDEBVRGICAE,  
TYPIS IOANNIS CHRISTIANI HILLIGERI. ACAD. TYPOGR.



47408/P

OPUS EFFECTIVUS  
DE  
GYNÆCII  
CORPORIS HUMANI

AVTHORIS  
D. ANDREA PILLA BACHNERO  
DOMINO

PRO GRADU DOCTORIS

IN MEDICINA





DISSERTATIO INAUGVRALIS MEDICA  
DE  
GENVINIS  
**OPII EFFECTIBVS**  
IN CORPORE HVMANO.

---

PROOEMIUM.



Quum medicina practica veretur circa sanitatem praesentem conseruandam, perditamque denuo reparandam: opus omnino erit, vt conuenienti remediorum & medicamentorum adparatu instructus sit, qui artem saluta-



rem exercere intendit. Sed neminem facile fore existimo, qui non intelligat, in exercitio artis cum ratione & felici successu versaturum oportere, ut distincte cognoscat, quid sanitas, quid morbus sint? a quibus causis iste diuersus status corporis humani dependeat? quae regulae adhibendae veniant, iuxta quas in sanitatis conseruatione morborumque propulsione procedi debeat? & quot modis denique istiusmodi regulis satisfieri possit? Solidam haec omnia requirunt theoriam, tam corporis humani, quam rerum ad illud applicandarum, qua destitutus nec gloriam Medici rationalis sibi adsciscat, sed potius fata empiricorum subeat perniciofa. Ut vero ad scopum meum propius accedam, e re esse videtur, nonnulla magis accurate cogitateque exprimere, quae ad fundamenta respiciunt, quibus corporum quorundam naturalium, quae tuendae redintegrandaeque sanitatis causa ad corpus humanum adplicari solent, solida cognitio inniti debeat. Ea, quae sunt, vel fieri possunt per corpora naturalia, per illorum essentiam ac naturam semper sunt necessaria. Hinc patet, essentiam & naturam  
cor-



porum naturalium illis perscrutandam esse, qui rationes eorum, quae per eadem sunt possibilia, reddere contendunt. Medicum igitur practicum oportebit, praeter corporis humani vim, aliorum quoque corporum naturalium essentiam & naturam introspicere. Ex quibus facillimo negotio colligere licebit, quanto-pere necessum sit, ut illa praecipue corpora naturalia, quorum complexus materiam medicam constituit, accuratum sub examen vocentur, illorum mixtiones sedulo inquirantur, & singulae partes mixtum constituentes probe expendantur. Hac enim via perueniri poterit ad intelligendam eiusmodi corporum naturalium essentiam ac naturam. Iuuabit hic porro diligenter adtendere ad phaenomena, quae post talium corporum naturalium adplicationem ad corpus humanum in eodem consequuntur, ut constans rationem inter & experientiam intercedat consensio. Non inutile igitur argumentum, speciminis loco pertractandum mihi elegisse videor, *Opii* scilicet *genuinos effectus in corpore humano* explicaturus. Huius enim subiecti materialis, vti ab antiquissimis temporibus vsque ad nostram aetatem



frequentissimus usus fuit : ita quoque multi Medicorum ex omni fere seculo integra commentaria de *Opio* conscripserunt, quorum alii istos, alii alios eidem effectus tribuerunt; alii laudarunt, damnarunt alii. Quid ideoque de *Opio* tenendum sit, id iam in praesenti Dissertatione inaugurali docebitur. Ne vero certa principia demonstrandorum desint, methodi leges iubebant totam hancce diatriben ad duo momenta reuocare. Inquirendum nempe prius erit in *mixturem Opii* & ex his deinde illius *effectus in corpore humano* explicandi nobis sunt. Faxit DEVS  
O, M. feliciter.







## CAPVT I.

# DE MIXTIONE OPII.

### §. I.



OPIVM est solida quaedam substantia, & *Origo opii*, quae ita ex papaueris planta prolicitur, vt haec vel perfissa succum sponte fundat, deinde condensandum, vel exprimatur, vel extrahatur, inspissandum postea, quod ex ista planta ope extractionis vel expressionis egrediebatur; vt ideo Opium generatim nec lacryma, nec succus inspissatus dici possit. Pluribus ex locis ad nos adfertur Opium, sed eius maximam copiam pharmacopoliis nostris suppeditant Smirna, Alexandria & Aleppum.

### §. II.

Modus, quo Opium colligitur, eiusque locus natalis, diuersi sunt (§. antec.). Vt nihil de illius differentia *In quo latet ant dfferentiae opii?*



ferenti aetate dicam. Atque huic fundamento innititur differentia vnius Opii prae altero. De qua re autem satis multa in auctorum scriptis de Opio iam prostant, quare haec omnia hoc loco praetermitti poterunt. Magis vero hic iuuabit notas boni aequae vilioris Opii enarrare.

## §. III.

*Notae boni  
opii.*

Bonum haberi solet opium, quod colorem ex nigro in rufum vergentem & simillimum aloes epaticae refert; quod quando diffringitur splendore quodam nitet, quod densum, graue & inflammabile est; quod linguae saporem imprimit amarum, acrem; quod odorem tristem spirat instar capitum immaturorum papaueris nostratis, quod denique aquam, in qua soluitur, rubro tingit colore.

## §. IV.

*Notae vilioris  
opii.*

Vilioris e contrario notae Opium esse existimatur, quod, adfusa aqua, instar cerae lentescit, odorem spargit empyreumaticum, tandemque in aqua solutum eidem flauum conciliat colore.

## §. V.

*Quid partes  
corporis constitutivae.*

*Partes corporis constitutivae* dicuntur partes, in quas corpus ope chemiae solui potest.

## §. VI.

*Quid partes  
corporis res.*

Partes, in quas corpus per artem chemicam dissolui potest, erunt vel partes talium partium, quae per



per dissolutionem possunt fisci, vel minus; *priores mota & pro-*  
vocantur *remotae*, *posteriores* autem *proximae*. *ximae.*

E. g. oleum, quod per destillationem siccam ex refina  
ialappae impetratur, radicis ialappae pars remota, refina  
ipsa pars proxima erit.

§. VII.

*Qui opii mixtionem indagare suscipit, illum opii* *Officium in-*  
*partes constitutivas indicare, & omni modo cauere* *dagaturi*  
*oportet, ne opium in partes remotas, sed proximas* *mixtionem*  
*dissoluatur.* Consistit enim in genere mixtio corpo- *opii.*  
rum naturalium in coalitu diuersorum miscibilium.  
Hinc opii mixtionem indagaturus, tenetur hocce  
mixtum in sua miscibilia resolvere, adeoque partes  
constitutivas opii (§. V.) indicare.

Quum itaque opii mixtionem indagaturus de-  
beat eius partes constitutivas indicare (per membr.  
antec.) necesse est, ut ille simul sibi prospiciat, ne mi-  
scibile quoddam partis modo constitutivae opii, pro  
parte ipsa constitutiva venditet. Ex quo adparet,  
mixtionem opii indagaturum curare debere, ut istud  
corpus naturale non in partes remotas, sed proximas  
dissoluatur.

§. VIII.

Destillationes siccae vegetabilium partes resino- *Cur destilla-*  
sas, gummosas & salinas in suas partes dissolunt: *tiones siccae*  
id quod multis in chemia docetur. Sed cum ad Opii *omittendae?*  
mixtionem intelligendam non nisi partes constitui-  
uae & proximae requirantur (§. antec.), tum patet,



*destillationes siccas opii illis omittendas esse, qui eiusdem mixtionem perspicere contendunt.*

## §. IX.

*Qualia menstrua omitti debeant.*

Menstrua, partes vegetabilium extrahendarum mutantia, qualia sunt salina, mixtum quoddam efficere possunt ex partibus vegetabilis & menstrui. Quare eiusmodi quoque menstrua ad indagandam opii mixtionem adhiberi nequeunt (§. VII.).

## §. X.

*Destillationes humidae probantur.*

Quum ex chemicis constet, ope destillationum humidarum ex vegetabilibus olea aetherea naturalia, adeoque eorundem partes proximas elici posse, atque ad explorandam opii mixtionem illius dissolutio in partes constitutivas & proximas requiratur (§. VII.), necesse tum est, ut destillationibus humidis circa mixtionem opii disquirendam concedatur locus.

## §. XI.

*Quae menstrua probentur.*

Quum etiam aqua & spiritus vini rectificatissimus sint menstrua, vegetabilium partes nihil alterantia (quod ex chemicis notum est), sequitur, ut aqua & spiritus vini rectificatissimus, ad cognoscendam opii mixtionem, menstrua sint idonea (§. VII.).

## §. XII.

*Monitum auctoris.*

Propositiones (§. VII. & seq.) ideo praemittere fas erat, quia in iisdem continentur regulae, secundum quas exploraturus opii mixtionem se componere



nere adigitur: quibus an ego quoque ipse satisfecerim, nec ne, iam iam recensenda experimenta docebunt.

§. XIII.

Opium ad quatuor libras humidae destillationi subiectum, ne guttulam quidem olei destillati aetherei dedit. Aqua vero, quae per alembicum transcebat, nihil singulare quid, praeter opii odorem, sensibus offerebat. *Experimentum I.*

§. XIV.

Duae vnciae opii aqua extrahebantur, & peracta euaporatione relinquebatur solidior quaedam substantia, ponderans vnciam vnam, drachmas duas, scrupulos duos. *Experimentum II.*

§. XV.

Huic substantiae (§. antec.) adfusus spiritus vini rectificatissimus, eandem ad drachmas septem soluit. *Experimentum III.*

§. XVI.

Solutionis (§. ant.) residuum in aqua soluebatur, solutumque intra quatuordecim dies motum fermentationis subiit. *Experimentum IV.*

§. XVII.

Duae vnciae opii in aqua coctae substantiam quandam vinctuosam, aquae innatantem, dimittebant, quae ad stateram reuocata, ponderabat drachmam dimidiam. *Experimentum V.*



## §. XVIII.

*Experimentum VI.*

Determinata (§. ant.) quantitas opii extrahebatur mediante spiritu vini puluerem pyrium incendente, sed sine praeuia extractione per aquam: atque absoluta euaporatione obtinebantur solidioris cuiusdam substantiae vncia vna, scrupuli duo.

## §. XIX.

*Experimentum VII.*

Eadem extractio (§. ant.) alio tempore repetita, sed instituta prius vltiori spiritus vini rectificatione, offerebat istiusmodi substantiae solidioris vnciam vnā.

## §. XX.

*Experimentum VIII.*

Huic extracto solidiori (§. ant.) adfusa aqua, illius partem quandam soluebat, quae, ope staterae examinata, ponderabat drachmas septem.

## §. XXI.

*Scholion.*

Multi celebres Opiographi crystallos tartareas ex opio se obtinuisse contendunt, quas mihi vero nunquam obseruare licuit, debita licet attentione ad rem adplicata, saepiusque experimentis repetitis. Neque vnquam aliud quid, praeter expositas in experimentis (§§. XIII. - XX.) partes, ex opio impetraui, quamuis differentia quaedam ratione quantitatis sese interdum obtulerit. Quod vero, quantum ego iudicare possum, ob loci, tempestatis, nec non aetatis discrepantiam necessarium est.

## §. XXII.



§. XXII.

*Partes vegetabilium fixae* dicuntur, quae sine mixtionis mutatione ab igne eleuari nequeunt.

Definitio  
partium fixarum.

§. XXIII.

*Partes vegetabilium saponaceae volatiliores* audiunt, quae cum aqua alembicum transcendunt, illique ita immiscentur, ut nullam visibilem mutationem in eadem producant.

Definitio.  
partium saponacearum volatilium.

§. XXIV.

*Partes vegetabilium gummosae* adpellantur partes eorundem fixae, fermentabiles atque in aqua tantum solubiles.

Definitio  
partium gummosarum.

§. XXV.

*Partium resinosa* in vegetabilibus nomine insigniuntur eorundem partes fixiores, & quae in solo spiritu ardente solui possunt.

Definitio  
partium resinosa.

§. XXVI.

*Partes saponaceae fixae vegetabilium* vocari possunt partes eorundem in spiritu ardente & aqua simul solubiles.

Definitio  
partium saponacearum fixarum.

§. XXVII.

*Mixtio opii absoluitur* 1) partibus fixis terreis, 2) saponaceis volatilioribus, 3) gummosis, 4) resinosis, in quo consistit 5) saponaceis fixis & tandem 6) substantia quadam unctuosissima.

stat.



Etenim opium substantiam quandam solidam relinquit, siue illud per destillationem, siue per extractionem, siue per coctionem tractetur (§§. XIII-XX. ).

Insunt adeoque opio partes, quae sine mixtionis alteratione ab igne in altum non vehuntur, nec in spiritu ardente & aqua soluuntur. Quare in opio continentur partes fixae terreae Q. E. I.

Ex §. XIII. videre licet, aquam per alembicum transgressam, opii odore imbutam fuisse, sine vlla alia visibili eius mutatione. Sed partes vegetabiles dicto nunc modo aquae immixtae, saponaceae volatiliores audiunt, de quarum igitur praesentia in opio dubitari nequit Q. E. II.

Docet porro (§. XVI.) opium dedisse partes in aqua solutas, ac deinde fermentatas, adeoque gummosas (§. XXIV.). Hinc nec gummosae partes in opio negari poterunt. Q. E. III.

Quum etiam opio insint partes, in spiritu ardente tantum solubiles (§. XIX.), neque resinosae partes opio deficient. Q. E. IV.

Neque porro opium caret partibus, quae in spiritu ardente aequae ac aqua solui possunt, prout idem ex §. XV. & XIX. elucescit. Quare etiam partes saponaceae fixae (§. XXVI.) in opio lateant oportet. Q. E. V.

Ultimo tandem loco experimentum (§. XVII.) declarat,



declarat, vinctuosam quandam substantiam ex opio per coctionem in aquam transiisse. Hinc istam quoque substantiam in opio esse reconditam patet. Q. E. VI.

§. XXVIII.

Euieta iam opii mixtione, singularum nunc partium eiusdem miscibilium indoles ac natura penitus scrutanda veniet, eritque explicandum, qui inde effectus in corpore humano produci possint. Quare ad Caput secundum Dissertationis meae inauguralis iam transeo. *Transitio.*

CAPVT II.

DE

EFFECTIBVS OPII IN COR-  
PORE HVMANO.

§. XXIX.

Canis, diuulsis faucibus, scrupuli duo partis gummosae opii ingerebantur & post dimidia horae spatium respiratio celerior, pulsus arteriarum auctior & frequentior obseruabantur. Mox deinde incipiebat animal titubare, atque exporrectis cruribus anterioribus in terram procumbere; vbi pulsus sensim sensimque imminui videbatur. Quod quum obseruatum sit, viui adhuc canis cranium aperiebatur. Deprehendebantur ibi arteriae maiores aequae ac minores, *Experimentum I,*



nores, quotquot cerebri anfractus pererrant, sanguine turgescere, immo ipse sanguis multo fluidior, quam esse solet in statu naturali, comparebat.

§. XXX.

*Experimentum II.*

Idem quoque ferculum in eadem quantitate (§. antec.) feli datum, post octo horae minuta eiulatus sequebantur, & animal ore diducto, spuma repleto, huc illucue profiliebat, paullo post caput sustinere impotens, mox temulentum, deinde conuulsus, tandem interiit.

§. XXXI.

*Experimentum III.*

Alius canis, cui determinata (§. XXIX.) partis gummosae quantitas itidem offerebatur, similia, prout enarrat §. antec. exhibebat phaenomena, quamvis in gradu mitiori. Quare sequenti die animal naturali gaudebat alacritate.

§. XXXII.

*Experimentum IV.*

Sed eidem quoque cani partis opii saponaceae fixioris exhibebantur scrupuli duo. Praeterlapso quadrantis horae spatio animal tremores corporis & pulsationes cordis vehementes pati, paullo post titubare, somno octo horarum profundo opprimi, exinde lassum emergere, atque ab hinc tertio die perire observabatur. In dissecto cadauere ventriculus rubore suffusus & vasa cerebri cruore turgida adparebant.

§. XXXIII.

*Experimentum V.*

Canis, qui ante aliquot dies partis gummosae opii



opii scrupulos duos, cum descripto in §o XXXI. effectū, deuorauerat, nunc eadem quantitas partis resinosaē ingerebatur. Animal sat alacre statim post-hac intremiscere, aestu torqueri, in altiore somnum delabi, ac demum conuelli incipiebat, morte mox subsecuta.

§. XXXIV.

Substantiam opii vinctuosam, cani ad scrupulum vnum datam, insignes tremores, aestus, grauis somnus, conuulsiones excipere deprehendebantur. Tragoedia denique post vnus horae dimidiam partem cum morte animalis ad finem perducta. *Experimentum VI.*

§. XXXV.

Saponaceae & gummosae opii partes, per triginta sex horas valide coctae, post exsiccatae, cani ad vnciam dimidiam ingerebantur, sed animal nullos tremores, nec soporem, nec lassitudinem, nec aliud quoddam malum inde reportasse obseruabatur. Atque idem quoque eueniebat, partibus resinosis opii, eiusque substantia vinctuosa, forti & tot horarum coctione tractatis : quarum illae ad vnciam semis, hae vero ad scrupulum vnum cani indebantur. *Experimentum VII.*

§. XXXVI.

Partium opii resinosarum vncia dimidia, per coctionem in §o anteced. indicatam, ponderis sui grana quindecim amittit. Mixti vero ex partibus opii saponaceis & gummosis vncia dimidia per eandem coctionem grana duodecim perdit. *Experimentum VIII.*



## §. XXXVII.

Quid ex §§.  
XXXIV. &  
XXXV. se-  
quatur.

Opium partes, ante sui diuturnam coctionem animalibus datae, horrenda in iisdem phaenomena producebant (§. XXIX - XXXIV.), quorum nihil comparebat, partibus opii fortiter diuque coctis (§. XXXV.) Vnde colligere licet, *virtutem partium opii cum aqua durante coctione evaporare*, sed commonstrat quoque §us XXXVI. *quam exigua sit illa quantitas partium opii nociuarum.*

## §. XXXVIII.

Experimen-  
tum IX.

Mixtum ex partibus opii saponaceis & gummosis, vi sua animalibus fatali priuatum, per aliquot hebdomades in aqua solutum stabat, ubi fermentationem subiit. Separato in B. M. menstruo, drachma una cani dabatur, qui inde vacillare & somnolentus factus esse obseruabatur.

## §. XXXIX.

Quid inde  
sequatur.

Consequens est §. anteced. *ablatas per coctionem opii partes vaporosas, animalibus nocentes, sub fermentatione denuo excludi.*

## §. XXXX.

Quid porro  
sequatur.

Ob veritatem §. ant. necessum quoque simul est, *ut opii partium vaporosarum quantitas, adeoque etiam illius virtus, per fermentationem augeatur.*

Vnde porro liquet, *quod opium in theriaca Andromachi, utpote quae nonnisi post conceptam sui fermentationem dispensari solet, multo maiori efficacia polleat.*

## §. XXXXI.



§. XXXXI.

In hominibus post opii usum observantur ru- *Experientia*  
bor, intumescencia faciei, inflationes venarum ca-  
pitis. *Confer. Ill. b. m. HOFFMANNI Dissert. de me-*  
*chanica opii operandi ratione §. VI.*

§. XXXXII.

BORELLVS *observat. 57. Cent. IV.* casum recenset, *Experientia.*  
vbi quidam ex nimia laudani opii quantitate in  
somnia, quem optabat, inciderit, & fluxione san-  
guinis e vena nuperrime secta breui perierit; eius-  
modi quid ex usu opii euenisse, adnotavit quoque  
*Ioach. CYRAEVS Libr. II. de sensu & sensibilibus Cap. 17.*

§. XXXXIII.

WILLISIVS in *Pharm. rational. P. I. p. 191.* scri- *Experientia.*  
bit, sibi exempla illorum constare, qui ab opii usu  
ingenii tarditatem & stupiditatem sibi contraxerunt.  
SCHNEIDERVS de *Catarrho Libr. IV. Cap. 8.* refert *sibi*  
*regis cuiusdam Indiae filium innotuisse, qui usu opii*  
*mentem memoriamque amiserat.* Et BARTHOLINVS  
in *Act. Hafn.* commemorat, aegram dolore capitis a  
narcoticis sedato, ab eo tempore correptam fuisse  
vertigine, stupore & imbecillitate capitis.

§. XXXXIV.

WALDSCHMIDIVS in *Dissertat. de opiatorum noxa* *Experientia.*  
mulierem quandam in exemplum profert, quae, usur-  
patis opiatis in haemorrhagia vteri, coecitatem sibi



contraxit. Similem quoque belladonna edidit effectum, quod multoties observatum fuit.

### §. XXXXV.

*Quinam effectus opii generales.*

*Opium effectus generales in corpore animali sunt, 1) motum progressivum sanguinis augere, & 2) temulentiam vel soporem inducere.* Constat enim ex §§. XXIX-XXXIV. dato animalibus opio, in iisdem cordis arteriarumque ictus fuisse acceleratos, respirationem citam, aestum adauctum, quae omnia augmentum motus progressivi sanguinis requirunt. Sed quum etiam ex iisdem §§is simul elucescat, temulentia & sopore animalia corripiri post opii usum: hinc de veritate propositionis dubitari nequit.

### §. XXXXVI.

*Opium vim vitalem auget.*

Quum auctus motus progressivus sanguinis sibi postulet auctam arteriarum actionem, atque haec maius quoddam augmentum vis vitalis supponat, (id quod in Physiol. docetur) sequitur, *ut opii effectus in corpore animali simul sit, augmentum quoddam vi vitali concedere.*

### §. XXXXVII.

*Opium est stimulare.*

*Opio competit vis stimulare.* Opium enim augeret motum progressivum sanguinis (§. antec.). Hinc vel sanguinem magis elasticum reddere adeoque eundem paullo condensare, vel alio modo fibras cordis & arteriarum ad se saepius & fortiter contrahendum cogere, vel quod idem est, stimulare deberet:

alias



alias impossibilis foret aucta arteriarum & cordis actio (quod ex physiolog. patet). Sed opium sanguinem magis fluidum efficit (§. XXIX.), quod etiam BORRICHIVS Dissert. de Somno & somniferis, in corporibus humanis observauit. Quare posterius locum obtinere debet, atque ideo vis stimulans opio certo respectu itidem tribuenda est.

§. XXXXVIII.

Opium congestiones sanguinis versus cerebrum producit. Etenim vasa cerebri animalium, quibus opium dabatur, cruore infarcta inueniebantur (§. XXIX. XXXII.); immo in hominibus post opii usum rubores, intumescantiae faciei, inflationes venarum capitis, observantur (§. XXXXI.). Vnde tuto colligere licet, sanguinem in vasis ad cerebrum tendentibus magis post opium vsurpatum coaceruari. Sed talis sanguinis coaceruatio in vasis *congestionis* nomine venire solet; vera ergo est propositio.

*Opium con-  
gerit san-  
guinem ad  
caput.*

§. XXXXIX.

Quum ab opio motus sanguinis progressiuus augeatur (§. XXXXV.), illique simul vis stimulans competat (§. XXXXVII.), tum *perquam faciles erunt haemorrhagiae*. Quo cum consentit experientia (§. XXXXII).

*Ab opio haemorrhagiae.*

§. L.

Deliria tam acuta, quam chronica, a congestionibus sanguinis versus caput natales suos ducunt. Atque inde etiam adfectus conuulsui & apoplectici oriri solent: quae omnia in pathologia euincuntur. Sed opium congestiones sanguinis versus caput prouocat;

*In quibus  
morbis  
opium no-  
ceat.*



Hinc illius usus delirantibus, convulsivis atque apoplecticis perquam noxius erit.

## §. LI.

Quibus subiectis in genere opium noceat.

Subiectis, ad congestiones sanguinis versus caput iam pronis opium semper erit nocentissimam. Namque in eiusmodi subiectis omnium facillime producuntur, admissa illarum causa. Sed iam huiusmodi opium est (§. XXXXVIII.). Quare illius usus praedictis subiectis nocentissimus esse debet.

## §. LII.

Quid inde sequatur.

Pessime igitur (§. antec.) agunt mulierculae, quae complacaturae infantum clamores, ad theriacam, ceu ancoram salutis, confugiunt.

## §. LIII.

Quid porro.

Ob eandem quoque causam (§. LI.) sibi ab usu opiatorum caueant senes, plethorici.

## §. LIV.

Quae subiecta in specie opium fugere debeant.

Quibus porro transpiratio difficulter succedit, quales e. g. esse possunt plethoram spissam alentes, illi saepissime congestionibus sanguinis versus caput subiiciuntur: id docente frequenti experientia. Hinc istiusmodi subiecta ab opii usu sibi bene prospiciant, oportet (§. LI.). Vnde simul patet, cur incolis nostrarum regionum opiata plus damni adferant, quam populis orientalibus, & iis qui sub climate calido degunt.

## §. LV.

Quanam porro.

Qui spasmodis vexantur, illis & transpiratio aegre succedit, & dispositio est, ad congestiones sanguinis versus caput perferendas: id quod ex principiis patholog. probari potest. Quare etiam haec modo descripta subiecta usum opiatorum fugiant (§. LI.).

Ex



Ex quo iam porro consequitur, *quantopere febre decumbentibus opita noceant?* praecipue quando iam *deliria adfuerint* (§. L.). Quam veritatem experientia quoque confirmat, confer. Ill. b. m. HOFFMANNI *Dissert. cit.* §. XVI.

§. LVI.

*Opium diaphoresin quidem prouocare potest, sed* *Qualis opii*  
*valde periculosam.* Etenim opium sanguinem attenuat, rarefacit (§. XXIX.), motumque sanguinis progressuum adauget (§. XXXXV.). Vnde diaphoresis ab opio prouocari poterit. Verum enim vero quum opium congestiones simul ad caput efficiat (§. XXXXVIII.), atque inde periculosissimi morbi nascantur, diaphoresis, quae ab opio produci posset, non nisi magno cum damno corporis stipata erit. Quare iam constat propositio.

§. LVII.

*Opii effectus stupefactiuus non ab immediata illius actione in nervos, sed potius a producta cerebri eiusque medullosae portionis compressione, dependent.* Nam opio competit vis stimulan (§. XXXXVII.), hinc quando opium in nervos agit, aget eosdem stimulando. Hinc ab immediata opii in nervos actione effectus stupefactiuus proficisci nequit. Quia vero opium congestiones sanguinis versus caput inducit (§. XXXXVIII.) necessariae tum erunt vasorum in cerebro distensiones, ob quas cerebrum ipsum, nec non illius substantia medullosa, comprimi debent. Vnde nec fluidum debito modo per vniuersam cerebri substantiam fluere poterit, & effectus stupefactiuus erunt necessarii. Hinc altera propositionis pars iam liquet.

§. LVIII.



§. LVIII.

*Quid inde  
sequatur?*

Quum ex demonstratione §. praeced. videre liceat, quod cum opii effectū stupefaciente compressiones nervorum necessario connexae esse debeant: intelligi inde poterit, *quare opiata tarditatem ingenii, debilitatem memoriae, vertiginem, stuporem, imbecillitatem capitis (§. XXXIII.), immo coecitatem (§. XXXIV.), producere valeant?*

§. LIX.

*Quando effectus  
opii im-  
minuantur.*

Fidissima docet experientia, medicamentorum stimulantium vim eo magis imminui, quo frequentius idem medicamentum adsumptum fuerit. *Similiter igitur se res quoque habebit cum opio frequentius usurpato, cui ita adsuescieri aliquis potest, ut deinde virtus opii valde imminuta deprehendatur.*

§. LX.

*Scholion.*

Neque ideo (§. antec.) ab usu opii illis innoxio, qui eidem iam adsueti sunt, ad effectus, quos illud in non adsuetis corporibus praestat, argumentari licebit. Alias enim nec venena delesterii quid in se continere deberent, quia iisdem quoque corpus humanum adsuescieri potest. Videant iam opii amatores, quam parum utilitatis sibi de isto medicamine promittere possint. Series est malorum, quae ab illius usu corpori humano inuehuntur. Sed plura adhuc de hac re dici potuissent, nisi animo praefixum iter necessarium hic finem Dissertationi meae iuberet constituere.

T A N T V M.